

重修伊陽縣志卷之三

知縣湖南清泉張道超輯

學校志

附書院
義學

唐貞觀中詔府州縣皆得立學識治體之大矣欽惟

聖朝稽古右文作人造士學使者督之廣文迪之又設書院義學
以淑之覃敷文教罔間遐邇伊雖僻風同也爲官爲師爲士
者其各有以自勉哉志學校

教諭

明成化十二年設康熙四年裁十八年復設

訓導

成化間原設二員天啟末裁一員順治十六年並裁康熙六年復設一員乾隆十六年裁

學額

廩膳生員二十名增廣生員二十名歲科兩試入學文童各八名歲試入學武童八名

教諭署

在北街明倫堂後之東先是僦居民舍康熙三十九年教諭高承選創建官廨三十餘間分東西兩署教諭遂英訓導

王琳相繼增修扁其堂曰凝翠

訓導署

在明倫堂之西乾隆十六年奉文裁缺歸併教諭署今止存
雙松堂三間

學田

明萬歷間邑令武錡文翔鳳教諭皇甫廉俱捐置共一頃六
十二畝有碑記後多爲民間佔種康熙三十七年紫邏里
民支業隆退還十畝又里民孫守業無嗣遺有水旱地六
十二畝前令康孟侯斷爲學田

康熙二十年知縣馬生羽
斷歸孫鴻化爲業經廩生

梁朝佐等呈控蒙本州正堂羅批孫守業所遺地土康令
因絕田而斷作學田事屬最公孫鴻化冒族混爭仰縣仍
將守業遺地悉作學田立
卷存案一捕葛籐可也
計實存聖王鎮庄基一處
舊有
十二間
今無
實存地共二十四段共一百十九畝俱在聖王鎮
等處立有碑記

書院

小書院在城東北隅伊川講院在白元崆峒書院在內埠連
珠書院在大安俱前明知縣文翔鳳置里民因其地立文
公祠今並廢惟石碑遺像尙存移入二程祠內

紫邏書院在北街東偏

舊名汝濱書院已廢乾隆十三年知縣鄧國藩重建易今名講堂

三楹齋舍十間講堂東西旁舍各一間廚房三間儀門三

間

西一間
爲廩倉

大門一座置田載在碑記鄂大中丞題詩紀之

乾隆二十八年知縣李章瑄恭設二程夫子位於講堂

中朔望率諸生瞻拜以爲矜式

祖田

初設書院共捐田一百八十畝九分零又知縣鄧國藩於乾

隆十三年撥義學田七十畝歸併書院

以上並
見李志

又嘉慶十

年知縣陳培英以無糧灘地一百十八畝二分零籌請上

官入於書院

見碑記

又歷前任陸續增水旱荒熟田六百五

十七畝九分三釐五毫

年遠無卷可查

道光八年知縣張道超履

畝查出隱佔地八十九畝九分五釐開荒成熟地八十二

畝二分七釐新增入官地七十五畝九分五釐計其水旱

荒熟地一千二百五十七畝八分三釐五毫內分水地八

百五十六畝二分七釐五毫熟五百一畝七分二釐五毫

旱地三百八十四畝熟三百六十八畝未開荒地共二百

八十七畝七分四釐現在行稞熟地八百七十畝九釐五

毫錢租麥秋二租不一每年共納租錢三百四十一千三

百五十五文麥租二十三石三斗六升秋租十六石六升

此就現在而言旱地歷久不易水地遷徙靡常冲則成碕
淤則受耕在所不免也

生息銀

嘉慶十年知縣陳培英捐銀一百兩撥邑公剩銀一百兩貢
生何德隆百五十兩監生王所欽百五十兩千總黃士俊
一百兩共本銀六百兩交典生息每年息銀七十二兩

記

今納錢七十五千文

見碑

知縣李章堉書院規條

一端模範

伊邑爲二程夫子故里遺徽不遠景仰彌新諸

生幸生其地沐其澤便當以古賢詰之徒自期如一月春風如深夜立雪師型具在求之有餘茲敬奉兩夫子神主設立講堂每月朔望率諸生展拜共起仰止之思庶幾知所矜式克端宗尙

一植品行 讀聖賢書所學何事士人朝夕咕嗶而鄙孝弟爲迂談目衣冠爲腐習心術已壞安問學術爾諸生或身列膠庠或名掛儒籍便當以禮義廉耻四字懸諸心目勿以才華讓人勿以名節自墮至於讀書作文之餘不得干涉戶外其有匍匐公庭或夤緣私謁尤爲拙性所深惡尙

期各自愛鼎凜非公不至之訓

一勤講解 聖賢精蘊具在經籍索之則愈出析之則彌旨
非可以一知半解便誇心得爾諸生平日各將四書五經
以及宋儒性理諸書四子近思錄悉心玩味折衷於

御纂

欽定諸經其有疑義未徹隨手錄記遇朔望或課期公集各出所知
互相辨難勿執故見勿蓄己疑庶不負教學相長之意

一正文體 制義代聖賢立言浮淺者失之艱深亦未爲得
也邇來風會日上體裁亦屢新有大醇而無小疵矣獨是

偏隅小邑未知趨向其淺者日汨沒於腐爛考墨卷中勦襲雷同之弗耻間有高自期許掇拾金陳唾餘茫無心得其失也與腐爛等抑思日變者風氣不變者義理誠能以義理運其心思不拘體裁高下皆宜愚將於吾鄉汪吳各選中採擇百篇用示之鵠使爾諸生屏從前之揣摩知作文之變化庶幾得所準的

一嚴課程 昌黎云業精于勤荒于嬉蓋以心思日用則愈益學業不進則漸退從未有中立之介所以滿假一生同

於暴棄則作輟之心爲之也茲與爾諸生約期望齊集講

堂命題校試餘期聽候院長秉筆務期各出心裁交相砥礪如有連三次不到及文理荒謬者傳至講堂面加訓飭其中學業勤謹屢列前茅者亦必量加獎賞用昭鼓勵

一酌經費 枵腹而習詩書徒手而譚禮義雖智士亦知其

難紫邏書院舊撥入田一項餘給院長脩脯資廩焉猶且弗給而於諸生未能波及焉責其肄業毋荒勢將難繼余蒞任時卽爲經畫計無所出謀欲量力捐廉八地幾畝以爲衆倡如或有公中餘產或有寺院廢業各相勸諭以助諸生膏火兼可貯書籍廣齋舍俾小邑之中大霑

文明之盛化則惓惓之私願有志未逮非敢以驅迫從事者也

知縣張道超書院章程

一每月逢三日齋課二十八日官課

一官課仍集署內局試以昭慎重

一生員膏火增作十二名童生膏火增作二十四名每名每月增作錢六百文

一每月初三日發給膏火卽以上月官課正取人名爲準

一每月齋課三次給予獎賞生員一二名每名增作錢三百文

一文三四名每名增作錢二百文五名增作錢一百六十文

童生一二名每名增作錢二百文三四名每名增作錢一百六十文五名增作錢一百二十文

一住院各生童無分正副課每名每月仍照舊給煤油錢二百四十文如前半月不在院中過十五日以外者不得領

一月煤油

義學

自文公翔鳳所設諸講院廢越二百年鄉校缺如道光七年知縣張道超新設義學二十八所列名如左

育德義學城關公立

踐德義學城關公立

教德義學城關公立

樂德義學下蔡店常渠村公立

裕德義學蕭庄鎮公立

秉德義學岡北鎮公立

友德義學小店鎮公立

據德義學車坊鎮公立

基德義學聖東北鎮公立

樹德義學聖西北村聖西南村公立

植德義學聖東南鎮公立

率德義學陶營鎮北西村公立

甄德義學范灘鎮鐵爐村公立

砥德義學內埠鎮公立

崇德義學上店鎮公立

立德義學三屯鎮公立

通德義學蔡店鎮公立

養德義學白元鎮夾河村土門村下保村公立

觀德義學大安鎮公立

訓德義學泥北鎮公立

經德義學竹園鎮謝裕村公立

講德義學上崗底公立

迪德義學茹店鎮公立

敬德義學馬營鎮公立

振德義學猴套鎮公立

進德義學夾馬鎮泥陽村公立

庸德義學下蔡鎮公立

懋德義學沽泊鎮公立

按各學經費或以錢入息或以田納租用稍贏餘卽歲

有增益故不錄捐入原數

義學條規

一營經費各鎮所捐之項卽交本鎮公正首事經管或置買房地按時收租或出放營運計月取息不經官吏之手每歲以所得租息作爲束脩其出入支銷惟經管人是問以專責成若經管人有故交卸或係按年輪充接手經管者必須交盤清楚稍有含糊虧欠卽着落賠補每屆年終將支銷各帳及有無盈餘並館師姓名學徒數目開明報縣察查至館師應用桌椅床席均由首事備辦學徒概行自